

Թագաւորութիւնն և մեծ իշխանութիւնն պատճառս գիցես, տե՛ս և զգարմացումն իմ որ վասն Հրէից աստ ի քաղաքս բնակելոց ի կարգաւորութիւնն(-) :

ա. Կիրակի օր ժողովեն ամենայն ժողովրդանոցի ի թաղսն ի գլուխս մեծ ճանապարհացն Բ Բ այր վասն աղքատաց, որրոց և այրեաց, և տան նոցա զօրըստօրէն ըստ պատշաճին, և զամենայն պիտոյս նոցա անտի տեսանեն և զայլս կարգեն և մարդացուցանեն :

բ. Բշի աւուր վասն հիւանդաց որ յազգին իցեն՝ կարգեալ նոցա սպասաւորս և բժիշկս և խանութ մի ի պիտոյս նոցա լի ամենայն բարեօք: Եւ սոցունց ծախ սպասաւորացն եւ բժշկացն եւ խանութին վաճառ՝ ամենայն ինչ ի Բշի աւուր ժողովէն հանեն որ վասն հիւանդաց :

գ. Դշի օր վասն մանկանց որք յուսումն են եւ յաչակերտութիւն և անտէրունչք<sup>1)</sup> են, զնոսա տան ի վարդապետս եւ ի դպրոց: Նաեւ զկատարեալսն եւս տան ի փիլիսոփայականն հանճար եւ զամենայն կամեցողս: Աստի հանեն զոռճիկս ամենայն ծախից եւ կերակրոց զպրատանն եւ զտանց վարդապետացն նոցա եւ զտանց կարգացողաց :

դ. Դշի աւուր յաղագս օտարաց, որ ունին պանդըքստանոցս, տունս եւ յարկս եւ ապրանս նոցայ ըստ չափու ամենեցուն: Եթէ ապրեսցին՝ վայելեսցեն եւ ընտանեսցին եւ յառաջ եկեալ խառնեսցին ի նոսա, ուսանելով զքաղաքավարութիւն՝ թէ ո՛րպէս իցէ, եթէ երթիցեն ի բնիկ աշխարհն իւրեանց՝ պատվով, և թէ մեռանիցին՝ փառօք: Այս ամենայն Դշի աւուր գրամիցն լինի :

1) անտերունչք .

(-) «Հեթանոսք որ զօրէնս ոչ ունին՝ բնութեամբ զօրինացն զործեն» .